

**Zeitschrift:** Igl Ischi : organ della Romania (Societat de Students Romontschs)  
**Band:** 75 (1990)  
**Heft:** 2  
  
**Anhang:** Resuns

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 22.11.2024

**ETH-Bibliothek Zürich, E-Periodica, <https://www.e-periodica.ch>**

# R E S U N S

## Ischi en general

---

Con bi ch'ei dat era mintgatun bunas surprasas ella Romontschia. Gratuleschel pil niev Ischi. El se presenta fetg bein.

(Marietta Tuor, Rabius)

Jau At less gratular per il nov Ischi. Gia daditg n'hai jau pli legi in cudesch rumantsch che m'ha fascinà talmain. Quai ma dat ina nova, buna identificaziun cun mes lungatg patern e la speranza che Rumantschs e Rumantschas na sajan betg talmain «da ruina» sco ch'i para mintgant.

(Annalis Schaniel, Domat)

Schon daditg buca pli hai jeu mess in cudisch romontsch orda maun suenter la lectura cun in aschi bien sentiment. Cheu vegnan presentadas opiniuns, opticas e tematicas, . . . en ina moda e maniera captivonta. Buca pli quei téf da puorla e stretgagad, quei campanilsem usitau e quellas temas e precauziuns da tucchar en temas «delicats». Cheu sent'ins esprit e voluntad da formar e dir enzatgei auter, en in auter tun, ord la tenuta dad udir veramein omisduas varts. . .

(Bernard Cathomas, Cuera)

## Rumantsch grischun da Maria Cadruvi, pag. 63-68

---

Da miu saver ha aunc negin surdruvau il pli vegl organ ufficial dalla Romania cun in artechel aschi partischant.

Quei che dat en egl el rapport da dunna C., ei ch'ella lauda e lauda senza mied e mesira. Bein ha mintga carstgaun siu bien dretg d'haver in referent preferiu; mo las simpatias stuessen tschessar cu ei va per ina presentaziun objectiva. Ins scrola veramein il tgau legend che siu referent ei adina superiors, emanziativs, excellents, tut ils auters

perencunter inferiurs e mediochers. Ins pudess crer ch'ei detti mo in fasch da verdads e mo ina persuna stgisa da partgir ora ellas.

Alzar ina persuna ellas neblas e stuschar las autras ellas profunditads, quei succeda cheu tenor clischas isadas, secund in muster alv-ner antiquau e banal. Montesquieu ha a sias uras concretisau in tal cunfar aschia: «Quand on court après l'esprit on attrape la sottise.»

C. ha efectivamein giu breigias da suandar ils differents votums; ed ella ha dil rest sias pitgiras cun la noziun dil temps, mischeida meinsvart vargau, present e futur. Mo maufra eis ella buc, cunzun cu ei va per inventar caussas che negin ha detg, p. ex. pretendend che jeu hagi enumerau ina roscha funtaunas duvradas pils artechels cumpari la primavera 89 ella Gasetta Romontschia.

Forsa ha C. surudiu aposta mias recumandaziuns per in studi vast e serius dalla tematica rg; jeu hai denter auter puntuau la substanzia dallas culturas minoritaras (che merettan respect e manteniment), hai proponiu da leger cudischs ed artechels novs e novissims per tedlar auters meinis — tenor igl «audiatur ed altera pars.»

Secapescha ch'igl ei stau pretendiu debia dils auditurs e dallas audituras reuni a Trun. Tgi ei l'empudientscha sche la rapportadra ei buca sefatga en che jeu hai menau da bi da bugen la raspada anoviars, sur nos cunfins viadora, sesurvend magari da plirs lungatgs per dar d'entellir l'avertura dalla quala ins plaيدا schi savens . . . e la finala per metter sill'emprova ils delegai e delegadas dils mieds da massa.

(Paul Tomaschett)

## Dus resuns adressai a Maria Cadruvi:

---

Jeu hai legiu cun grond plascher Tiu artechel egl Ischi «niev». Ord la posiziun da «Jenseits von Gut und Böse» taxeschel jeu Tiu artechel per fetg cumpetents. Bravo. (Augustin Manetsch, Mustér)

Cun che divertimaint ch'eu n'ha güsta let Teis rapport sur dals scumpigls RG aint il Ischi!! (Chasper Pult, Pasqual)